

სახელმწიფო შესყიდვების შესახებ ხელშეკრულება №331/06

ქ. თბილისი

26 აპრილი 2017 წელი

ერთის მხრივ სსიპ ივანე ჯავახიშვილის სახელობის თბილისის სახელმწიფო უნივერსიტეტი (შემდგომში „შემსყიდველი“) წარმოდგენილი ადმინისტრაციის ხელმძღვანელის ნუნუ ოვსიანიკოვას სახით და მეორეს მხრივ შპს „ინტელექტ-აუდიტი“ (შემდგომში „მიმწოდებელი“), წარმოდგენილი მისი დირექტორის ივანე გაჩეჩილაძის სახით, სახელმწიფო შესყიდვების კანონის და პრეტენდენტის (შპს „ინტელექტ-აუდიტი“) სატენდერო წინადადების საფუძველზე, გამარტივებული ელექტრონული ტენდერის (SPA170005387) ჩატარების შედეგად დებენ წინამდებარე სახელმწიფო შესყიდვის შესახებ ხელშეკრულებას შემდეგზე:

1. ხელშეკრულებაში გამოყენებულ ტერმინთა განმარტებები

- 1.1. „ხელშეკრულება სახელმწიფო შესყიდვის შესახებ“ (შემდგომში – „ხელშეკრულება“) – შემსყიდველსა და მიმწოდებელს შორის დადებული წინამდებარე ხელშეკრულება, რომელიც ხელმოწერილია მხარეთა მიერ, მასზე თანდართული ყველა დოკუმენტით.
- 1.2. „ხელშეკრულების ღირებულება“ – საერთო თანხა, რომელიც უნდა გადაიხადოს შემსყიდველმა მიმწოდებლის მიერ ხელშეკრულებით ნაკისრი ვალდებულებების სრული და ზედმიწევნით შესრულებისათვის.
- 1.3. „დღე“, „კვირა“, „თვე“ – კალენდარული დღე, კვირა, თვე ხელშეკრულებით სხვა რამ არ არიოს გათვალისწინებული.
- 1.4. „შემსყიდველი“ – ორგანიზაცია, რომელიც ახორციელებს შესყიდვას.
- 1.5. „მიმწოდებელი“ – პირი, რომელიც ახორციელებს შესყიდვის ობიექტის მიწოდებას ხელშეკრულების ფარგლებში.
- 1.6. „საქონელი“ – ხელშეკრულების მე-2 მუხლით გათვალისწინებული ხელშეკრულების საგანი.

2. ხელშეკრულების საგანი

- 2.1. სსიპ – ივანე ჯავახიშვილის სახელობის თბილისის სახელმწიფო უნივერსიტეტის ფართისა და მოძრავი ქონების დროებით სარგებლობაში, იჯარით გადაცემის, ნაჩუქარი სასაქონლო-მატერიალური ფასეულობის, საავტომობილო ტექნიკის და სხვა აუდიტორული მომსახურება - ზოგიერთ კონკრეტულ შემთხვევაში ქონების საბაზრო, საუტილიზაციო, აღდგენითი, საინვესტიციო ღირებულებების განსაზღვრა საჭიროებისა და მოთხოვნის შესაბამისად საშემფასებლო საქმიანობასთან, აუდიტორულ მომსახურებასთან, სამუშაოებთან დაკავშირებული აუდიტორული მომსახურების (CPV79200000) სახელმწიფო შესყიდვა.
- 2.2. ხელშეკრულებით გათვალისწინებული შესყიდვის ობიექტის სრული აღწერა და ძირითადი მახასიათებლები მოცემულია დანართი N1-ში (ფასების ცხრილი), რომელიც წარმოადგენს წინამდებარე ხელშეკრულების განუყოფელ ნაწილს.

3. ხელშეკრულების ღირებულება

- 3.1. ხელშეკრულების ჯამური ღირებულება შეადგენს 10945,68 ლარს (ათიათასცხრას ორმოცდახუთი ლარი და 68 თეთრი) დღგ-ს გათვალისწინებით.
- 3.2. ხელშეკრულების ჯამური ღირებულება მოიცავს ხელშეკრულებით გათვალისწინებულ მომსახურების გაწევასთან დაკავშირებულ მიმწოდებლის ყველა ხარჯს, საქართველოს კანონმდებლობით გათვალისწინებულ გადასახადებს.

4. გარანტია

4.1 მიმწოდებელი იძლევა გაწეული მომსახურების საერთაშორისო სტანდარტებისადმი შესაბამისობის გარანტიას.

4.2 მიმწოდებელი ვალდებულია შეტყობინების მიღებისთანავე განახორციელოს უხარისხოდ შესრულებული მომსახურების ან მისი ნაწილის გამოსწორება შემსყიდველის მხრიდან რაიმე დამატებითი დანახარჯების გაწევის გარეშე.

5. ხელშეკრულების შესრულების კონტროლი

5.1 შემსყიდველის მხრიდან ხელშეკრულების შესრულების კონტროლს საჭიროებიდან გამომდინარე განახორციელებს ივანე ჯავახიშვილის სახელობის თბილისის სახელმწიფო უნივერსიტეტის საფინანსო დეპარტამენტის წარმომადგენლები და/ან სხვა საამისოდ უფლებამოსილი პირი, რომელთაც შეუძლიათ ინსპექტირება განახორციელონ ხელშეკრულების მოქმედების ნებისმიერ ეტაპზე, როგორც ინდივიდუალურად, ასევე ერთობლივად. ინსპექტირება გულისხმობს შესაბამისობის დადგენას ხელშეკრულებით გათვალისწინებულ ტექნიკურ პირობებთან, ხელშეკრულების პირობების შესრულებას, მომსახურების აუცილებელი პირობებისა და ნორმების დაცვას.

5.2 „შემსყიდველი“ ვალდებულია ოპერატიულად, წერილობითი სახით, აცნობოს „მიმწოდებელს“ საბოლოო შემოწმების შედეგი დაწუნებული მომსახურების დასახელების და წუნდების მიზეზის მითითებით.

5.3. „მიმწოდებელი“ ვალდებულია საკუთარი ხარჯებით (ტრანსპორტირების ჩათვლით) უზრუნველყოს კონტროლის (ინსპექტირების) შედეგად გამოვლენილი ყველა დეფექტის ან ნაკლის აღმოფხვრა.

6. შესყიდვის ობიექტის მიწოდების ვადა, ადგილი და პირობები

6.1. შესყიდვის ობიექტის მიწოდების ადგილია ივანე ჯავახიშვილის სახელობის თბილისის სახელმწიფო უნივერსიტეტი, მისამართი: ქ. თბილისი, ჭავჭავაძის გამზ. #1.

6.2. შესყიდვის ობიექტის მიწოდება განხორციელდება ხელშეკრულების გაფორმების თარიღიდან და შემსყიდველის მხრიდან ყველა საჭირო დოკუმენტაციის საბოლოო მიწოდებიდან არაუგვიანეს 2017 წლის 20 დეკემბრისა.

6.3. შესაფასებელი ობიექტების ჩამონათვალი განისაზღვრება ხელშეკრულების მიხედვით, შეფასების მიზნებიდან და შესაფასებელი ობიექტის სპეციფიკიდან გამომდინარე, „შემსყიდველის“ წინასწარი მოთხოვნის საფუძველზე. რაზედაც გაფორმდება „შეთანხმება“ (შემდგომში ხელშეკრულების განუყოფელი ნაწილი), სადაც მოცემული იქნება კონკრეტულ ეტაპზე გასაწევი მომსახურების რაოდენობა და შესრულების ვადა „მიმწოდებელმა“ მომსახურება უნდა უზრუნველყოს „ტექნიკურ დავალებაში აღწერილის შესაბამისად, მომსახურების გაწევის პერიოდში შეფასებულ ქონებაზე უნდა წარმოადგინოს ანგარიში/დასკვნა.

6.4. ხელშეკრულების დამდებ არცერთ მხარეს არა აქვს უფლება შეიტანოს გრაფიკში ცვლილებები მეორე მხარესთან შეთანხმების გარეშე.

7. ხელშეკრულების სპეციფიკური პირობები

7.1. „მიმწოდებელი“ თავის საქმიანობაში იხელმძღვანელებს საქართველოს კანონმდებლობით, საქართველოს კანონით ბუღალტრული აღრიცხვის, ანგარიშგებისა და აუდიტის შესახებ; საერთაშორისო საშემფასებლო სტანდარტებით, აუდიტორის და შემფასებლის ეთიკის კოდექსით და ამ ხელშეკრულებით.

7.2. „მიმწოდებელი“ დამოუკიდებლად შეიმუშავებს და განსაზღვრავს სამუშაოს წარმართვის მეთოდებსა და ფორმებს, ხელშეკრულების პირობების გათვალისწინებით.

მომსახურების გაწევის პერიოდში შეფასებულ ქონებაზე ანგარიშის/დასკვნის წარმოდგენისას „მიმწოდებელმა“ უნდა გაითვალისწინოს შემდეგი მინიმალური მოთხოვნები, კერძოდ:

7.3. ნათლად და ზუსტად უნდა იქნეს ჩამოყალიბებული შეფასების შესახებ გამოტანილი დასკვნები, ისე რომ შეცდომაში არ შევიდეს შემსყიდველი;

7.4. მითითებული უნდა იყოს დამკვეთის ვინაობა, შეფასების წინასწარ გამიზნული გამოყენება და სათანადო დასკვნები; დეტალურად უნდა იყოს აღწერილი შეფასების საფუძველი, მათ შორის ღირებულების ტიპი და მისი განმარტება;

7.5. ნათლად უნდა იყოს ჩამოყალიბებული და დახასიათებული შესაფასებელი ქონებრივი უფლებები და ინტერესები, ქონების ფიზიკური და იურიდიული მახასიათებლები და ქონების კატეგორიები რომლებიც შეფასებაში მონაწილეობს ქონების ძირითად კატეგორიასთან ერთად;

7.6. აღწერილი უნდა იყოს შეფასების დასადგენად ჩატარებული სამუშაოს მასშტაბები; დეტალურად უნდა იყოს აღწერილი ყველა დაშვება და შემზღუდველი ფაქტორები;

7.7. აღწერილი უნდა იყოს შემოწმებული ინფორმაცია და მონაცემები, ჩატარებული ბაზრის ანალიზი, შეფასებისთვის გამოყენებული მიდგომები, პროცედურები და არგუმენტაცია, რომლითაც საბუთდება ანგარიშში მოცემული ანალიზი, მოსაზრებები და დასკვნები;

7.8. დაფიქსირებული უნდა იყოს შემფასებლის სახელი და გვარი, პროფესიული კვალიფიკაცია და ხელმოწერა.

8. შესყიდვის ობიექტის მიღება-ჩაბარების წესი

8.1. შესაფასებელი ობიექტების ჩამონათვალი განისაზღვრება ხელშეკრულების მიხედვით შეფასების მიზნებიდან და შესაფასებელი ობიექტის სპეციფიკიდან გამომდინარე, „შემსყიდველის“ წინასწარი მოთხოვნის საფუძველზე. რაზედაც გაფორმდება „შეთანხმება“ (შემდგომში ხელშეკრულების განუყოფელი ნაწილი), სადაც მოცემული იქნება კონკრეტულ ეტაპზე გასაწევი მომსახურების რაოდენობა და შესრულების ვადა. ტენდერში გამარჯვებულმა პირმა მომსახურების გაწევის პერიოდში შეფასებულ ქონებაზე უნდა წარმოადგინოს ანგარიში/დასკვნა.

8.2. შესყიდვის ობიექტის მიღება-ჩაბარება ფორმდება მიღება-ჩაბარების შუალედური აქტით, ანგარიში/დასკვნისა (აუდიტორის დასკვნა შედგენილი ორ ეგზემპლარად) და სათანადო ინვოისის, საგადასახადო ანგარიშ-ფაქტურის თანდართვით, „შემსყიდველისა“ და „მიმწოდებლის“ უფლებამოსილი წარმომადგენლების ხელმოწერით.

9. ანგარიშსწორების ვადები და პირობები:

9.1. სატენდერო წინადადების ფასი გამოსახული უნდა იყოს საქართველოს კანონმდებლობით გათვალისწინებული შესყიდვის ობიექტის მიწოდებასთან დაკავშირებული ყველა გადასახადის გათვალისწინებით.

9.2. ანგარიშსწორება მოხდება უნაღდო ანგარიშსწორების ფორმით ეროვნულ ვალუტაში, ეტაპობრივად.

9.3. წინასწარი ანგარიშსწორება არ გამოიყენება.

9.4. ანგარიშსწორება იწარმოებს შემსყიდველსა და მიმწოდებელს შორის საშემფასებლო მომსახურებაზე წარმოდგენილი „შეთანხმების“, დასკვნის, მიღება-ჩაბარების შუალედური აქტისა და შესაბამისი ანგარიშ-ფაქტურის (ინვოისის) საფუძველზე, დოკუმენტაციის სრულყოფილი სახით წარმოდგენის შემდეგ 10 სამუშაო დღის განმავლობაში.

10. მხარეთა პასუხისმგებლობა

10.1. ხელშეკრულებით დადგენილ ვადებში სახელშეკრულებო ვალდებულების შეუსრულებლობის ან არაჯეროვანი შესრულების შემთხვევაში, „შემსყიდველი“

უფლებამოსილია დააკისროს მიმწოდებელს პირგასამტეხლო შეუსრულებელი ვალდებულების 0,02%-ის ოდენობით ყოველი ვადაგადაცილებული დღისათვის.

10.2. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10 (ათი) პროცენტს, შემსყიდველი იტოვებს უფლებას შეწყვიტოს ხელშეკრულება და მოსთხოვოს „მიმწოდებელს“ ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

10.3. ხელშეკრულების ღირებულების გადახდის ვადის გადაცილების შემთხვევაში მიმწოდებელი უფლებამოსილია დააკისროს „შემსყიდველს“ პირგასამტეხლო გადასახდელი თანხის 0,2%-ის ოდენობით ყოველი ვადაგადაცილებული დღისათვის.

10.4. იმ შემთხვევაში, თუ დაკისრებული პირგასამტეხლოს ჯამური თანხა გადააჭარბებს ხელშეკრულების ჯამური ღირებულების 10 (ათი) პროცენტს, „მიმწოდებელი“ იტოვებს უფლებას შეწყვიტოს ხელშეკრულება და მოსთხოვოს „შემსყიდველს“ ხელშეკრულების შეწყვეტის მომენტისათვის გადასახდელი პირგასამტეხლოს ანაზღაურება.

10.5. მხარეებს უფლება აქვთ მოითხოვონ ხელშეკრულების შეუსრულებლობით ან/და არაჯეროვანი შესრულებით მიყენებული ზიანის ანაზღაურება საქართველოს კანონმდებლობით დადგენილი წესით.

10.6. პირგასამტეხლოს გადახდა არ ათავისუფლებს მხარეებს ძირითადი ვალდებულებების შესრულებისგან.

11. ხელშეკრულებაში ცვლილების შეტანა და ხელშეკრულების შეწყვეტა

11.1. ხელშეკრულებაში ნებისმიერი ცვლილების, დამატების შეტანა შესაძლებელია მხოლოდ წერილობითი ფორმით, მხარეთა შეთანხმების საფუძველზე.

11.2. ხელშეკრულების პირობების, მათ შორის, ფასის შეცვლა დაუშვებელია, თუ ამ ცვლილებების შედეგად იზრდება ხელშეკრულების ჯამური ღირებულება ან უარესდება ხელშეკრულების პირობები შემსყიდველისთვის, გარდა საქართველოს სამოქალაქო კოდექსის 398-ე მუხლით გათვალისწინებული შემთხვევებისა. ხელშეკრულების პირობების გადასინჯვა ხდება საქართველოს კანონმდებლობით დადგენილი წესით.

11.3. საქართველოს სამოქალაქო კოდექსის 398-ე მუხლით გათვალისწინებული გარემოებების დადგომის შემთხვევაში, ხელშეკრულების ჯამური ღირებულების გაზრდა დაუშვებელია ხელშეკრულების ღირებულების 10%-ზე მეტი ოდენობით.

11.4. ხელშეკრულების ერთ-ერთი მხარის მიერ პირობების შეუსრულებლობის შემთხვევაში მეორე მხარე უფლებამოსილია ცალმხრივად მიიღოს გადაწყვეტილება ხელშეკრულების შეწყვეტის შესახებ.

11.5. მხარე ვალდებულია 11.4. პუნქტით გათვალისწინებული გადაწყვეტილების მიღების განზრახვის შესახებ არანაკლებ 5 (ხუთი) კალენდარული დღით ადრე წერილობით ან კომუნიკაციის ელექტრონული საშუალების გამოყენებით შეატყობინოს მეორე მხარეს.

12. დაუძლეველი ძალა

12.1. მხარეები თავისუფლდებიან ხელშეკრულებით განსაზღვრული ვალდებულებების შეუსრულებლობით გამოწვეული პასუხისმგებლობისაგან, თუ აღნიშნული გამოწვეულია დაუძლეველი ძალის ზეგავლენით. აღნიშნულის არსებობის შემთხვევაში, მხარე ვალდებულია აცნობოს მეორე მხარეს ნაკისრი ვალდებულებების შესრულების შეუძლებლობის შესახებ.

12.2. თუ ერთ-ერთი მხარე დაუძლეველი ძალის გამო ვერ ასრულებს ნაკისრ ვალდებულებებს, იგი ვალდებულია დაუყოვნებლივ, მაგრამ არაუგვიანეს მომდევნო კალენდარული დღისა აცნობოს მეორე მხარეს მათი დადგომის ან/და დასრულების შესახებ. წინააღმდეგ შემთხვევაში, შესაბამისი მხარე არ გათავისუფლდება ნაკისრი ვალდებულებებისაგან.

12.3. მხარეთა პასუხისმგებლობა და ვალდებულებები განახლება დაუძლეველი ძალის მოქმედების დასრულებისთანავე.

13. უფლებების გადაცემა

13.1. მიმწოდებელს არა აქვს უფლება შემსყიდველის წერილობითი თანხმობის გარეშე მთლიანად ან ნაწილობრივ გადასცეს მესამე პირს ამ ხელშეკრულებით გათვალისწინებული უფლება-მოვალეობები.

14. დავები და მათი გადაწყვეტის წესი

14.1. ხელშეკრულების მოქმედების პერიოდში წამოჭრილი ყველა დავა გადაიჭრება ურთიერთშეთანხმების გზით. შეთანხმების მიუღწევლობის შემთხვევაში, დავის გადასაწყვეტად მხარეები უფლებამოსილნი არიან მიმართონ სასამართლოს საქართველოს მოქმედი კანონმდებლობის შესაბამისად.

15. ხელშეკრულების მოქმედების ვადა

15.1. ხელშეკრულება ძალაში შედის ხელშეკრულების თავში მითითებული თარიღიდან და მოქმედებს 2017 წლის 31 დეკემბრის ჩათვლით.

15.2. ხელშეკრულება შედგენილია ქართულ ენაზე თანაბარი ძალის მქონე სამ ეგზემპლარად და გადაეცემათ მხარეებს ორი შემსყიდველს ერთი მიმწოდებელს.

16. მხარეთა რეკვიზიტები

შემსყიდველი

სსიპ ივ.ჯავახიშვილის სახელობის
თბილისის სახელმწიფო უნივერსიტეტი
მისამართი:

ქ.თბილისი; ი.ჭავჭავაძის გამზ. №1

ხაზინის ერთიანი ანგარიში

საკუთარი შემოსავლები

3204050101

საიდენტიფიკაციო კოდი: 204 864 548

თსუ ადმინისტრაციის ხელმძღვანელი

/ნ. ოვსიანიშვილი/



მიმწოდებელი

შპს „ინტელექტ-აუდიტი“

მისამართი:

თბილისი, დ. ბაქრაძის ქ. № 6

საბანკო რეკვიზიტები:

სს „თი ბი სი ბანკი“


ა/ა №GE17TB 7630 1360 8010 0002

ბანკის კოდი: TBCBGE22

საიდენტიფიკაციო კოდი: 404 906 973

შპს „ინტელექტ-აუდიტი“

დირექტორი:



ფასების ცხრილი

დანართი 1

#	გასაწევი მომსახურების აღწერილობა	ერთ. რაოდენობა	ერთ. ფასი	სულ ღირებულება
1	თსუ ბალანსზე რიცხული უძრავი ქონების (შენობა-ნაგებობების, დაუმთავრებელი ნაგებობის, მიწის ნაკვეთის) საბაზრო ღირებულებით შეფასება.	10	29,5	295
2	უნივერსიტეტის სხვადასხვა კორპუსების ფართისა და მოძრავი ქონების დროებით სარგებლობაში, იჯარით გადაცემის შემთხვევებში საბაზრო ღირებულების განსაზღვრა. მომსახურების პაკეტის შეფასება.	30	16,52	495,60
3	ნაჩუქარი სასაქონლო-მატერიალური ფასეულობის საბაზრო ღირებულების განსაზღვრა; (მათ შორის დაკარგული წიგნის შეფასება.)	10 000	0,708	7080
4	საავტომობილო ტექნიკის საბაზრო, საუტილიზაციო ღირებულების შეფასება	5	11,8	59
5	მეორადი ნივთების, მასალებისა და ნარჩენების საბაზრო, საუტილიზაციო ღირებულების განსაზღვრა	1350	0,236	318,6
6	უნივერსიტეტის კუთვნილი ტერიტორიის ერთობლივი გამოყენების შემთხვევაში ერთჯერადი კომპენსაციის თანხის განსაზღვრა;	2	15,34	30,68
7	არამატერიალური აქტივების შეფასება	5	11,8	59
8	შოთა რუსთაველის სახელობის ეროვნულ სამეცნიერო ფონდის მიერ 2014წ-2015წ-2016 წწ. დაფინანსებული გრანტების ზედნადები თანხებიდან კომუნალური ხარჯებისა და გრანტების ტექნიკური უზრუნველყოფისათვის აუცილებელი შრომითი დანახარჯებისათვის გასაწევი ხარჯების განსაზღვრა	80	25,96	2076,8
9	სხვა აუდიტორული მომსახურება - ზოგიერთ კონკრეტულ შემთხვევაში ქონების საბაზრო, საუტილიზაციო, აღდგენითი, საინვესტიციო ღირებულებების განსაზღვრა საჭიროებისა და მოთხოვნის შესაბამისად.	300	1,77	531
სულ:				10945,68

შემსყიდველი

სსიპ ივ.ჯავახიშვილის სახელობის
თბილისის სახელმწიფო უნივერსიტეტი
ადმინისტრაციის ხელმძღვანელი


/ნ. თესიანიკიძე/

მიმწოდებელი

შპს „ინტელექტ-აუდიტი“

დირექტორი:

/ი. გაჩეჩილაძე/



ინფორმაცია ინტერესთა კონფლიქტის შესახებ

ქ.თბილისი

26 აპრილი 2017 წელი

„სახელმწიფო შესყიდვების შესახებ“ საქართველოს კანონის მე-8 მუხლის შესაბამისად, ქვემოთ ჩამოთვლილი თითოეული პირი ხელის მოწერით ადასტურებს, რომ სსიპ ივანე ჯავახიშვილის სახელობის თბილისის სახელმწიფო უნივერსიტეტის მიერ 2017 წლის 06 აპრილს გამოცხადებული გამარტივებული ელექტრონული ტენდერის საშუალებით აუდიტორული მომსახურების (განცხადების ნომერი (SPA170005387) შესყიდვის განხორციელებაში შპს „ინტელექტ-აუდიტი“-სთან ჩემი მონაწილეობა არ იწვევს ინტერესთა კონფლიქტს.

თსუ ადმინისტრაციის ხელმძღვანელი



ნ. ოვსიანიკოვა